

同志印送

只收紙料

百冊二元

嘉義

西門外
一五九

蘭記圖書部印送


新高社友俱樂部

青年鏡

必在秋泰伯未親



風陵文庫
文庫 19
F400
Z869
早稻田大学図書館



丁卯冬仲

青年年鏡

吳興王震書



身家盛衰循環圖



呂新吾先生云 余作身家盛衰循環之圖 始而困窮 繼而悔悟 因悔悟而習勤苦 因勤苦而知節儉 由節儉而漸至於富足 富足之後 則生驕滿 習豪奢 恣淫暴 必至招禍變 仍歸困窮 此循環一定之理 細玩此圖 不惟知人事當修 抑又知天道可懼也 楊錫類補白

青年鏡序

夫人初生於世。混混噩噩。不辨善惡。賴父母之提攜。懷抱鞠養。得免凍餒。當斯時也。天真漫爛。智識淺薄。胥惟家庭父母之教導。及學師訓育之良否而已。故近朱者赤。近墨者黑。與芝蘭同處。久而不聞其香。入鮑魚之肆。久而不味其臭。關係一生之前途。至重且大。斯以家庭不可無良範。學校不可無嚴師。社交不可無錚友。此千古不易之語也。余嘗見世之為父母者。往往對於兒女。任性寵愛。養成其驕侈之性。及入學後。師長又不加以嚴肅之管訓。且交友不慎。誤入歧途。比比皆是。以致游蕩終日。無所事事。善之惡之。融洽不分。門楣日益衰。家聲日益墜。父母因之而蒙羞。親故視之而遠避。社會無立足之地。羣衆亦鄙之。不齒。嗚呼。其一生之結果。如斯。誠堪浩歎。故余之有感於世風人心之日下。道德沈淪之不振。狡詐之事。層出不窮。匪類

行動日有所聞。乃怒焉憂之。特將前人明哲格言。並三字女兒經等。選別數種。彙印成集。顏曰青年鏡。聊作金聲木鐸。暮鼓晨鐘之意。閱者幸勿以腐化老朽之作目之。倘能時時加以瀏覽。對於家庭兒女。解釋詞理。勸導勗勉。則將來立身處世。非特萬眾欽仰。而造福於社會。亦無窮矣。時在丁卯仲冬。開明居士錢季寅序於申江寄廬。

懇求文人入

良。心。無。形。惜。字。仰求諸文人。提筆須留心。倘遇損德事。切記不可寫。

下筆有關人性命者。此字不可寫。
下筆有壞人名節者。此字不可寫。
下筆有離人骨肉者。此字不可寫。
下筆有破人婚姻者。此字不可寫。
下筆有阻人善心者。此字不可寫。
下筆有起人惡念者。此字不可寫。
下筆有成人詭訟者。此字不可寫。
下筆有令人是非者。此字不可寫。
下筆有令人飲恨者。此字不可寫。
下筆有令人作淫者。此字不可寫。

青年鏡第一種

治家格言

朱柏廬先生著

黎明即起 灑掃庭除 要內外整潔 既昏便息 關鎖門戶
必親自檢點 一粥一飯 當思來處不易 半絲半縷 恆念物力維艱 宜未雨而綢繆 毋臨渴而掘井 自奉必須儉約 宴客切勿流連 器具質而潔 瓦缶勝金玉 飲食約而精 園蔬愈珍羞 勿營華屋 勿謀良田 三姑六婆 實淫盜之媒 美婢嬌妾 非閨房之福 奴僕勿用俊美 妻妾切忌豔妝 祖宗雖遠 祭祀不可不誠 子孫雖愚 經書不可不讀 居身務期質樸 教子要有義方 勿貪意外之財 勿飲過量之酒 與肩挑貿易 毋佔便宜 見貧苦親鄰 須多溫卹 刻薄成家 理無久享 倫常乖舛 立見消亡 兄弟叔姪 須分多潤寡 長

青年鏡

二

幼內外 宜法肅辭嚴 聽婦言 乖骨肉 宜是丈夫 重貨財
薄父母 不成人子 嫁女擇佳婿 毋索重聘 娶媳求淑女
勿計厚奩 見富貴而生諂容者最可恥 遇貧窮而作驕態者
賤莫甚 居家戒爭訟 訟則終凶 處世戒多言 言多必失
毋恃勢力而凌逼孤寡 毋貪口腹而恣殺生禽 乖僻自是 悔
誤必多 頹惰自甘 家道難成 狎暱惡少 久必受其累 屈
志老成 急則可相依 輕聽發言 安知非人之譖愬 當忍耐
三思 因事相爭 安知非我之不是 須平心暗想 施惠無念
受恩莫忘 凡事當留餘地 得意不宜再往 人有喜慶 不
可生妒忌心 人有禍患 不可生喜幸心 善欲人見 不是真
善 惡恐人知 便是大惡 見色而起淫心 報在妻女 匿怨
而用暗箭 禍延子孫 家門和順 雖饑殍不繼 亦有餘歡

國課早完 即囊橐無餘 自得至樂 讀書志在聖賢 為官心
存愛國 守分安命 順時聽天 為人若此 庶乎近焉

青年鏡第二種

增廣便讀昔時賢文 集韻增廣 多見多聞 觀今宜鑑古
昔時賢文 誨汝諄諄 無古不成今 知己知彼 將心比心 酒逢知己飲 詩向會人
吟 相識滿天下 知心能幾人 相逢好似初相識 到老終無
怨恨心 近水知魚性 近山識鳥音 易長易退山谿水 易反
易覆小人心 運去金成鐵 時來鐵似金 讀書須用意 一字
值千金 逢人且說三分話 未可全拋一片心 有意栽花花不
發 無心插柳柳成陰 畫虎畫皮難畫骨 知人知面不知心

錢財如糞土 仁義值千金 流水下灘非有意 白雲出岫本無心
當時若不登樓望 誰信東流海樣深 路遙知馬力 日久見人心
兩人一般心 有錢堪買金 一人一般心 無錢堪買銀
相見易得好 久住難為人 馬行無力皆因瘦 人不風流只為貧
饒人不是癡漢 癡漢不會饒人 是親不是親 非親卻
是親 美不美 江中水 親不親 故鄉人 鶯花猶怕春光老
豈可教人枉度春 相逢不飲空歸去 洞口桃花也笑人
紅粉佳人休便老 風流浪子莫教貧 在家不會迎賓客 出外方知少主人
黃金無假 阿魏無真 客來主不顧 自是無良賓 良賓主不顧 應恐是癡人
貧居鬧市無人問 富在深山有遠親 誰人背後無人說 那箇人前不說人
有錢道真語 無錢語不真 不信但看筵中酒 杯杯相勸有錢人 關裏有錢

靜處安身 來如風雨 去似微塵 長江後浪催前浪 世上新人換舊人
近水樓臺先得月 向陽花木易為春 古人不見今時月 今月曾經照古人
莫信直中直 須防仁不仁 山中無直樹 世上無直人 自恨枝無葉 莫怨太陽偏
大家都是命 半點不由人 一年之計在於春 一日之計在於寅 一家之計在於和
一生之計在於勤 責人之心責己 恕己之心恕人 守口如瓶 防意如城
寧可負我 切莫負人 再三須重事 第一莫欺心 虎生猶可近 人熟不堪親
來說是非者 便是是非人 遠水難救近火 遠親不如近鄰 有錢有酒多兄弟
急難何曾見一人 人情似紙張張薄 世事如棋局局新 山中也有千年樹
世上難逢百歲人 力微休負重 言輕莫勸人 無錢休入眾 遭難莫尋親
平生莫作皺眉事 天下應無

切齒人 士者國之寶 儒為席上珍 若要斷酒法 醒眼看醉人
求人須求大丈夫 濟人須濟急時無 渴時一滴如甘露 醉後添杯不如無
久住令人賤 貧來親也疏 酒中不語真君子 財上分明大丈夫
出家如初 成佛有餘 積金千萬兩 不如明解經書
養子不教 不如養驢 養女不教 不如養豬
有田不耕倉廩虛 有子不教子孫愚 倉廩虛兮歲月乏 子孫愚兮禮義疏
共君一夕話 勝讀十年書 人不學古今 馬牛而襟裾
茫茫四海人無數 那箇男兒是丈夫 白酒釀成延好客
黃金散盡為收書 救人一命 勝造七級浮屠 城門失火 殃及池魚
庭前生瑞草 好事不如無 百年成之不足 一旦破壞有餘
人心似鐵 官法如鑪 善化不足 惡化有餘 水太清則無魚
人太緊則無知 知者減半 省者全無 在

家從父 出嫁從夫 癡人畏婦 賢女敬夫 是非終朝有 不聽自然無
寧可正而不足 不可邪而有餘 寧可信其有 不可信其無
竹籬茅舍風光好 道院僧房總不如 命裏有時終須有
命裏無來莫強求 道院迎仙客 書堂隱相儒 庭栽棣鳳竹
池養化龍魚 結交須勝己 似我不如無 但看三五日 相見不如初
人情似水分高下 世事如雲任卷舒 磨刀恨不利 刀利傷人指
求財恨不多 財多恐害己 知足常足終身不辱
知止當止 終身不恥 有福傷財 無福傷己 差之毫釐
失之千里 若登高必自卑 若涉遠必自適 三思而行 再思可矣
使口不如自走 求人不如求己 小時是兄弟 長大各鄉里
妬財莫妬食 怨生莫怨死 人見白頭嗔 我見白頭喜
多少少年亡 不見白頭死 牆有縫 壁有耳 好

事不出門 惡事傳千里 賊是小人 智過君子 君子固窮
小人窮斯濫矣 貧窮自在 富貴多憂 不以我為德 反以我
為仇 寧向直中取 不可曲中求 人無遠慮 必有近憂 知
我者 謂我心憂 不知我者 謂我何求 晴乾不肯去 直待
雨淋頭 成事莫說 覆水難收 是非只為多開口 煩惱皆因
強出頭 忍得一時氣 免得百日憂 懼法朝朝樂 欺公日日
憂 人生一世 草生一春 白髮不隨老人去 堪堪又上少年
頭 月過十五光明少 人到中年萬事休 人生不滿百 常懷
千歲憂 兒孫自有兒孫福 莫與兒孫作馬牛 朝朝出去酒隨
後 夜夜歸來花滿頭 路逢險處難迴避 事到頭來不自由
藥能醫假病 酒不解真愁 人生不語 水平不流 一家養女
百家求 一馬不行百馬憂 有花方酌酒 無月不登樓 三杯

通大道 一醉解千愁 深山畢竟藏猛虎 大海終須納細流
惜花春起早 愛月夜眠遲 大抵還他肌骨好 不搽紅粉也風
流 受恩深處宜先退 得意濃時便好休 莫待是非來入耳
從前恩愛反為仇 留得五湖明月在 不愁無處下金鈎 休別
有魚處 莫戀淺灘頭 唱徹陽關上小舟 你也難留 我也難
留 去也終須去 再三留不住 忍一句 息一怒 饒一着
退一步 三十不豪 四十不富 五十相將回頭路 生不認魂
死不認屍 父母恩深終有別 夫妻義重也分離 人生似鳥
同林宿 大限來時各自飛 人善被人欺 馬善被人騎 人無
橫財不富 馬無夜草不肥 人惡人怕天不怕 人善人欺天不
欺 善惡到頭終有報 只爭來早與來遲 黃河尚有澄清日
豈可人無得運時 得寵思辱 安居慮危 念念有如臨敵日

心心常似過橋時 英雄行險道 富貴蹈危機 人情莫道春光好 只恐西風有冷時 送君千里 終須一別 但將冷眼觀螻蟻 看你橫行到幾時 見事莫說 問事莫知 聞事莫管 無事早歸 假饒染就真紅色 免被旁人說是非 善事可作 惡事莫為 許人一物 千金莫移 龍生龍子 鳳生鳳兒 龍游淺水遭蝦戲 虎落平洋被犬欺 酒債尋常行處有 人生七十古來稀 養兒代老 積穀防饑 雞豚狗彘之畜 無失其時 八口之家 可以無饑矣 常將有日思無日 莫待無時思有時 時來風送滕王閣 運去雷轟薦福碑 入門休問榮枯事 觀見容顏便得知 官清司吏瘦 神靈廟祝肥 息卻雷霆之怒 罷卻虎狼之威 饒人算人之本 輸人算人之機 好言難得 惡語易施 一言既出 駟馬難追 道吾好者是吾賊 道吾惡

者是吾師 路逢劍客須呈劍 不是才人莫獻詩 三人同行 必有我師 擇其善者而從之 其不善者而改之 少壯不努力 老大徒傷悲 人有善願 天必從之 樂莫樂兮新相知 悲莫悲兮生別離 莫喫卯時酒 昏昏醉到酉 莫罵酉時妻 一夜受孤悽 種麻得麻 種豆得豆 天網恢恢 疏而不漏 見官莫向前 作客莫在後 甯添一斗 莫添一口 不求金玉重 重富 但願兒孫箇箇賢 一夜夫妻 百世姻緣 百劫修來同 船渡 千劫修來共枕眠 殺人一萬 自損三千 傷人一語 利如刀割 枯木逢春猶再發 人無兩世再少年 未晚先投宿 雞鳴蚤看天 富人思來年 貧人思眼前 世上若要人情好 賒買物去莫取錢 死生由命 富貴在天 擊石乃有火 不擊原無烟 人學始知道 不學亦徒然 莫笑他人老 終須輪

到我 但能依本分 終須無煩惱 君子愛財 取之有道 人
而無信 不知其恥 一人道好 千人道好 凡事要好 須問
三老 若爭小可 便失大道 不殺生命 一般皮肉 非特養
心 且可惜福 年年防饑 夜夜防盜 學者是好 不學不好
學者如禾如稻 不學如蒿如草 遇飲酒時須飲酒 得高歌處
且高歌 因風吹火 用力不多 不因漁父引 怎得見波濤
無求到處人情好 不飲從他酒價高 知事少時煩惱少 識人
多處是非多 入山不怕傷人虎 只怕人前兩面刀 強中更有
強中手 惡人自有惡人磨 會使不在家豪富 風流不用着衣
多 光陰似箭 日月如梭 天時不如地利 地利不如人和
黃金非為貴 安樂值錢多 世上萬般皆下品 思量惟有讀書
高 世間好語書說盡 天下名山僧佔多 為善最樂 作惡難

逃 好人相逢 惡人迴避 羊有跪乳之恩 鴉有反哺之義
你急他未急 人開心未開 隱惡揚善 執其兩端 妻賢夫禍
少 子孝父心寬 既墮之甌 反故何益 已覆之水 收之實
難 人生知足常時足 人老偷閑且是閑 處處綠楊堪繫馬
家家有路透長安 見者易 學者難 厭靜還思喧 嫌喧又憶
山 自從心定後 無處不安然 莫將容易得 便作等閒看
用心計較般般錯 退後思量事事難 道路各別 養家一般
從儉入奢易 從奢入儉難 知音說與知音聽 不是知音莫與
談 點石化為金 人心猶未足 信了肚 賣了屋 他人觀花
不涉你目 他事碌碌 不涉你屋 誰人不愛千鍾粟 誰人
不愛黃金屋 誰人不愛子孫賢 奈五行不是這般題目 書到
用時方恨少 事非經過不知難 行事存德 莫問前程 河狹

水緊 人急計生 明知山有虎 偏向虎山行 路不行不到
事不為不成 人不勸不善 鐘不打不鳴 無錢方斷酒 臨老
纔看經 點塔七層 不如點處一燈 萬事勸人休瞞昧 須知天
地有神明 但存方寸地 留與子孫耕 滅卻心頭火 剔起佛
前燈 惺惺多不足 朦朦作公卿 衆星朗朗 不如孤月獨明
兄弟相害 不如自生 合理可作 小利莫爭 牡丹花好空
入目 棗花雖小結實成 欺老莫欺小 欺人心不明 隨分耕
鋤收地利 他時飽煖謝蒼天 得忍且忍 得耐且耐 不忍不
耐 小事成大 相論逞英豪 家計漸漸退 賢婦令夫貴 惡
婦令夫敗 一入有慶 兆民咸賴 人老心未老 人窮計莫窮
人無千日好 花無百日嬌 殺人可恕 情理難容 乍富不
知新受用 乍貧難改舊家風 座上客常滿 樽中酒不空 屋

漏又遭連夜雨 行船偏遇打頭風 筭因落擇方為竹 魚為奔
波始化龍 記得少年騎竹馬 看看又是白頭翁 禮義生於富
足 盜賊起於貧窮 天上衆星皆拱北 世間無水不朝東 士
為知己用 女為悅己容 色即是空 空即是色 君子安貧
達人知命 忠言逆耳利於行 良藥苦口利於病 順天者昌
逆天者亡 有緣千里能相會 無緣對面不相逢 有福者生
無福者亡 人為財死 鳥為食亡 夫妻相好合 琴瑟也笙簧
紅粉易粧嬌態女 無錢難作好兒郎 有子之人貧不久 無
子之人富不長 善必壽老 惡必妖亡 爽口物多偏作病 快
心事過必為殃 富貴定言依本分 貧窮不得枉思量 畫水無
風空作浪 繡花雖好不聞香 貪他一斗米 失卻半年糧 爭
他一脚豚 失卻一隻羊 龍歸晚洞雲猶濕 麝過春山草木香

青
年
鏡

平生只會量人短 何不回頭把自量 見善如不及 見惡如探湯 人貧智短 馬瘦毛長 自家心裏急 他人未知忙 貧無達士將金贈 病有他人說藥方 觸來莫與競 事過心清涼 秋來滿山多秀色 春來無處不花香 凡人不可貌相 海水難將斗量 清清之水 為土所防 濟濟之士 為酒所傷 蒿草之下 或有蘭香 茅茨之屋 或有善良 袖裏乾坤大 壺中日月長 拂石坐來衫袖冷 踏花歸去馬蹄香 萬事分已定 浮生空自忙 叫月子規喉舌冷 宿花蝴蝶夢魂香 千里寄鵝毛 禮輕情義重 一言不中 千言無用 一人傳虛 百人傳實 萬金良藥 不如無疾 世事明如鏡 前程暗似漆 君子懷刑 小人懷惠 良田萬頃 日食一升 大厦千間 夜眠八尺 千經萬典 孝義為先 天上人間 方便第一 一字入

公門 九牛拔不出 衙門八字開 有理無錢莫進來 欲求天下事 須用世間財 富從升合起 貧因不算來 近河不得枉使水 近山不得枉燒柴 家中無才子 官從何處來 慈不掌兵 義不掌財 一人當關 萬夫莫開 萬事不由人計較 一生都是命安排 白雲本是無心物 卻被清風引出來 慢行急行 前程只有許多路 逆取順取 命中只有這般財 一毫不可有失 萬事皆因倘來 人間私語 天聞若雷 暗室虧心 神目如電 一毫之惡 勸人莫作 一毫之善 與人方便 虧人是禍 饒人是福 乘除加減 報應甚速 聖賢言語 神欽鬼服 人各有心 心各有見 口說不如身逢 耳聞不如眼見 見人富貴生歡喜 莫把心頭似火燒 養軍千日 用在一朝 國清才子貴 家富小兒驕 利刀割體瘡猶合 惡語傷人恨

不消 公道世間為白髮 貴人頭上不曾饒 有才堪出眾 無
 衣懶出門 茵從地發 樹向枝分 宅裏燃火 烟氣成雲 家
 中有惡 外已知聞 以直報怨 知恩報恩 紅顏今日雖欺我
 白髮他時不放君 父子和而家不退 兄弟和而家不分 一
 片雲間不相識 三千里外卻逢君 官有正條 民有私約 爭
 得貓兒 失卻牛脚 愚者千慮 必有一得 知者千慮 必有
 一失 始吾於人也 聽其言而信其行 今吾於人也 聽其言
 而觀其行 珠沈淵而川媚 玉韞石而山輝 夕陽無限好 只
 恐不多時 久旱逢甘雨 他鄉遇故知 桃紅李白薔薇紫 問
 着東君總不知 國亂思良將 家貧思賢妻 池塘積水防秋旱
 田地深耕足養家 教子教孫須教義 栽桑栽柘少栽花 休
 戀故鄉生處好 受恩深處便為家 根深不怕風搖動 樹正何

愁月影斜 奉勸後來君子道 分毫不亂更無差

昔時賢文終

青年鏡第三種

三字孝經

人之初	本血氣	曰父母	小天地	貴與賤	富與貧
苟不孝	曷為人	懷母腹	彌十月	食母肉	飲母血
兒將生	如在獄	見兒面	命再續	心誠求	勤撫鞠
母濕蓆	兒乾褥	兒睡安	母偈促	兒夜啼	母哀哭
兒穢臭	母忍縮	兒疾病	願身贖	橫其簪	倒其服
不為容	不沐浴	兒能行	慮顛覆	兒能食	恣所欲
乳三年	血千斛	劬勞盡	辛苦極	父經營	衣食足
兒漸長	難拘束	訪賢師	勤教育	愚則憂	智則樂

青年鏡

土

防驕淫	慮勞碌	過忍隱	善先暴	出未歸	心馳逐
倚問望	繼以燭	兒將婚	求賢淑	費金錢	捐布粟
用雖多	心未足	媳入門	孝思薄	私妻子	盡心曲
事父母	反為辱	母布裙	妻羅縠	母荆釵	妻珠玉
母或寡	願孤獨	父或鯨	不再續	親既殂	忘風木
兄及弟	分財穀	安宅兆	何時卜	遇蒸嘗	忘敬肅
烏反哺	羊跪足	人不孝	不如畜	有慈枝	有孝竹
人不孝	不如木	孝有經	宜勤讀	孝有禮	宜三復
孝之始	不毀傷	孝之終	聲名揚	天子孝	愛敬親
百姓化	四海形	諸侯孝	守其身	保社稷	和民人
卿大夫	言行顧	無口過	無怨惡	士之孝	貴能事
保祿位	守祭祀	庶人孝	竭力耕	節財用	謹厥身

自庶人	至天子	孝乎孝	無終始	昔虞舜	躬耕稼
孝蒸蒸	有天下	漢文帝	本代王	太后疾	藥先嘗
仲子路	嘗負米	祿萬鍾	痛親死	閔子騫	遇後母
衣單寒	不辭苦	曾子輿	嘗負薪	母嚙指	參動心
老萊子	不稱老	服彩衣	博親笑	郊子親	思鹿乳
衣鹿皮	深山取	漢董永	葬其親	乏金錢	自鬻身
郭巨貧	難養親	欲賣兒	天賜金	蔡君仲	遇赤眉
贈白米	及牛蹄	姜子詩	為親汲	甘泉湧	鯉躍出
蘭思親	乃刻木	妻刺之	將妻逐	江次翁	遇盜賊
負母逃	且備力	黃文疆	勤子職	夏扇簞	冬溫席
魏王哀	性孺慕	每聞雷	必泣墓	吳陸績	見袁術
知親嗜	懷二橋	孟恭武	嘗泣竹	感天地	冬筍出

青
年
鏡

晉楊香	逢白額	欲免父	膂力竭	祥卧冰	將求鯉
魚躍出	驚鄉里	猛八歲	遭家貧	嘗飽蚊	免嗜親
庾黔婁	辭縣令	嘗糞甜	憂父病	崔唐氏	嘗乳姑
願子孫	世相如	朱壽昌	生母劉	為嫡出	棄官求
黃庭堅	已顯貴	滌溺器	不嫌穢	伊古昔	迄於今
稱大孝	廿四人	今世人	宜思古	撫形骸	念父母
思德性	誰式穀	思家業	誰給足	罔極恩	難報復
鄙俚辭	宜熟讀	不孝身	枉衣服	不孝口	枉食粟
苟能孝	食天祿	能大孝	備百福		

青年鏡第四種

女兒經

閨門訓 女兒經

女兒經要女兒聽

每日五更清早起

休教睡到日頭紅
休教地下起灰塵
早到閨房做針線
張家長 李家短
從容迎接相留款
既為處子在閨門
囑咐女兒休夜行
休大笑 休大叫
站時莫把門牆靠
梳了頭兒洗好面
哥哥弟弟要相親
到十歲 莫閑行

舊手帕 包髮髻
潔淨閨門父母喜
繡鸞描鳳刺鴛鴦
人家是非我不管
姑姑醜 姨姨俊
大凡言語須當慎
夜行不可獨自走
恐被隣舍人知道
女七歲 學成人
穿了鞋襪莫胡行
茶飯酒餚勻着喫
做鞋縫補要關心

出門去掃堂前地
光梳頭 淨洗面
等閒莫與人相見
親戚鄰舍女人來
人家論時我不聽
到晚來 月未明
喚着了髮執着燈
行時舉步要端莊
清晨早起理衣襟
八九歲 漸長成
莫嫌多少便相爭
早晚隨着媽媽坐

不宜無事出房門
剩下工夫還刺繡
見人須要將身起
十四五至二十
做女須當學做媳
父母恩同天地深
切須莫在家中擾
第三件 惜米麵
莫到無時看人面
時新好物莫私嘗
新舊衣裳要潔淨
第六勸 休錯念

十一歲 是大人
花花葉葉要鮮明
自家孀孀與姑娘
在家做女無多日
第一道 要你孝
有身須把恩情報
女兒不妒有才能
醬醋油鹽當節儉
第四善 精茶飯
先供父母公姑饌
潔淨爽利女人家
莫愛人家一條線

燒茶煮飯要慇懃
十二三 須知禮
不宜托熟毫無禮
百凡事體要操持
孝順自有天知道
第二好 敬哥嫂
賢惠便是家中寶
常將有日思無日
飲食待人能整辦
第五行 女兒聽
隣里親戚誰不敬
不安本分把人嫌

爺娘兄弟都輕賤
牝雞司晨家必敗
勤苦經營家自齊
第九節 慕貞潔
一片心腸堅似鐵
三從四德總無虧
須要從小教到大
女兒家 有三從
夫死從子莫胡行
聞道當時曹大家
禮義廉恥不可失
做女兒 二要容

第七嚴 要自謙
惹得傍人說不賢
好兒不喫分時飯
美玉無瑕誰不悅
第十止 知終始
誰說女中無君子
若還失教不成人
在家從父配良姻
女兒家 有四德
德容言工無欠缺
一動一靜俱有程
不是粉白與脂紅

女有丈夫地有天
第八依 女兒知
好女不穿嫁時衣
古時烈女善持身
一與之醮偕老死
女兒家 最難化
那時多取翁姑罵
嫁出從夫當和唱
聽我從頭與你說
做女兒 一要德
防過如同防盜賊
沐浴及時無垢污

衣裳洗浣要加工
可言則言人不厭
不是繡虎與描龍
天樣大 父母恩
曾上書章贖父刑
莫言門戶各分開
做女須當要孝敬
敬哥哥 重嫂嫂
莫鬪是非常吵鬧
不得依着自家性
恐怕聽張還聽李
為甚事 鈕了扣

做女兒 三要言
一言自足勝千言
冬夏時勤紡與織
須要竭力孝雙親
大伯伯 二叔叔
忘卻小時養與育
我不孝敬他不嗔
莫倚命娘欺着嫂
張家姐 李家娘
直言直語弗思量
還加一對耳環兒
恐怕頭回左與右

不是利口向人前
做女兒 四要工
烹調五味要和同
古人有個緹縈女
都是自家親骨肉
大姆姆 二孀孀
自然有那傍人論
大家好好過時光
與他來往要通方
為甚事 穿了耳
務要時常來記取
層層衣服兩三重

好如雲鎖巫山岫
百凡事體須卑順
莫加食缺與衣無
為人婦 要從夫
莫怨張無李也無
莫因奴婢言搬鬪
好喫好用無底止
待客賓 要調停
過豐家產便完成
行止坐卧要有常
嬌他性格便奢華
男兒大 請師傅

為甚事 兩截衣
不得司晨啼母雞
一言一語須依順
從夫第一敬公姑
和妯娌 敬姑娘
外面和氣裏心傷
若是丈夫家事貧
不當過儉過豐盈
一有孕 須胎訓
飲食嗜好還當慎
幼小之時還是可
教他讀書知禮數

女人不與丈夫齊
做媳婦 孝翁姑
弗使翁姑恨丈夫
處家和睦兼勤儉
往來情意要周詳
夫家富 莫奢侈
只教勤儉莫尤人
過儉不是待客禮
母子一氣相感應
男與女 莫嬌他
後來將不惜身家
慣他懶學不成人

從今便把終身誤
小時不教大時遲
娶媳莫論貧與富
女長大 嫁人家
順從夫壻做人家
莫因誰富與誰貧
不分貧富一般疼
女兒經 已完成
依然牛馬而裾襟

女兒大 教針指
去到人家被羞恥
只要賢德勝如人
教他節儉莫奢華
大媳婦 小媳婦
一般兒女兩般心
人家鄰里還相顧
時刻須當記在心

莫慣東撐與西倚
男長大 娶媳婦
治家立業興門戶
孝敬公婆為第一
我做婆婆均看顧
愛孫兒 如寶珍
莫道同枝共蒂親
讀了不能依着做

民國十六年十一月初版
民國十七年八月再版
民國十七年十一月三版
版存上海千頃堂書局

青年鏡跋

年來國事頽唐。民生愁苦。盜匪橫行。搶劫擄淫之風。無日無之。加以軍閥為禍。窮兵黷武。干戈擾擾。生靈塗炭。故社會百物昂貴。謀生匪易。一般貧民。懦弱者困於溝壑。狡黠者挺而走險。雞鳴狗盜之事。因之而層出不窮。造成社會無限罪惡。烟霧瘴氣。瀰滿全國。此誠可痛哭流涕者也。然究其由。雖甚複雜。要亦不外中國教育之不發達。實業之不振興。禮化之不修講。有以致之耳。四明錢子季寅。敦品士也。旅滬有年。目睹社會種種怪狀。慨然憂之。特將古人聖哲明言。擇其有關社會教育。及家庭禮教者。彙印成冊。流傳各界。以廣勸善。當此道德淪亡。風化澆漓之際。對於世道人心。不無有補。付梓有日。執以問余。余嘉其志之誠。而感其心之苦。斯以樂為之跋。
時在丁卯仲冬中浣。如皋蔡陶山人崔滌川跋於春申五柳宅。

蘭記圖書部廣告

中西滙通醫書五種	十二本	定價一元八角	齊有堂醫案	六本	定價八角
六經方證通解	二本	定價四角	王肯堂醫學津梁	四本	定價七角
唐氏中西醫判	二本	定價四角	冷廬醫話	四本	定價七角
蘇唐容川醫學見能	二本	定價四角	醫家四要	四本	定價五角
退思齋醫書四種	八本	定價一元四角	王孟英醫書五種	八本	定價八角
仲榮全書	八本	定價一元四角	五旭高醫書六種	四本	定價八角
儒門事親	六本	定價一元四角	全生指迷方	一本	定價二角
類症治裁	八本	定價一元四角	增補山湯頭歌	一本	定價二角五分
何夢詒醫編	八本	定價一元四角	松峯說疫全書	八本	定價一元二角
百病辨症錄	八本	定價一元四角	診斷學彙編	四本	定價八角
巢氏病源	八本	定價一元四角	中西醫粹	四本	定價八角
馮氏錦囊秘錄	二十本	定價一元四角	吳門治驗錄	四本	定價七角
三朝名醫方論	六本	定價一元四角	六體齋醫書十種	十六本	定價三元五角
葉氏醫案存真	二本	定價四角	眼科纂要	二本	定價四角
肘後備急方	四本	定價八角	本草詩箋	四本	定價一元七角

前場市街門西義嘉灣台

蘭記圖書部廣告

敬號自辨	圖點史記	定價金	三希堂法帖	定價金	十六元	最新酬世全書	定價金	一元
上海各書	五經備旨	定價金	吳友如畫譜	定價金	二十元	人生萬事秘訣	定價金	四角
局出版各	四書讀本	定價金	歷代神仙通鑑	定價金	四元	實驗致富術	定價金	二元
種書籍如	幼學瓊林	定價金	道書十七種	定價金	二元	中西製造叢書	定價金	三元
經史子集	童子尺牘	定價金	宣講醒世編	定價金	四角	實業叢書	定價金	三元
詩文集	論說尺牘	定價金	秘本管輅神相	定價金	六角	神傳護身術	定價金	一元
字典辭源	法帖畫譜	定價金	催眠術講義	定價金	八角	三國志演義	定價金	一元
善書佛經	新編字典	定價金	華陀神醫秘傳	定價金	二元	繪圖五才子	定價金	一元
易星相	學生辭林	定價金	內外科醫宗金鑑	定價金	二元	東周列國志	定價金	一元
醫書小說	社會交際	定價金	中西醫學滙通	定價金	一元	西遊記演義	定價金	一元
工藝製造	識字秘訣	定價金	佩文韻府	定價金	一元	五龍十八俠	定價金	三元
諸參考書	詩法入門	定價金	中西醫學滙通	定價金	一元	五湖四海英雄	定價金	八角
無不齊備	批發克己	定價金	此外名目繁多另備詳細目錄如承函索立即寄奉照碼實售六折至九折不等					

前場市街門西義嘉灣台

嘉 義
蘭記圖書部廣告

本圖書部專辦中華各種書籍如經史子集詩文
筆記論說尺牘字典辭源畫譜法帖善書佛經卜
易星相堪輿地理醫學用書社會交際農產商學
畜養園藝諸參攷書暨古今小說紙筆墨硯美術
圖書種類繁多應有盡有選貨精良定價從廉備
有詳細目錄以便遠方人士通信選購如
承函索立即寄贈

臺灣嘉義西門外一五九號蘭記圖書部謹啓

白雲山

珠
珠
珠
如
珠
珠
珠

3